





Comune di  
San Teodoro



Progettù:

**“DA LI STAZZI A LU MARI”**

Finanziàtu da la Legghji 482 di lu 1999, alticculi 9 e 15 e Legghji Regionali 22 di lu 2018 –  
annualitài 2021



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



## ASSEGNU UNICU E UNIVERSALI PA' LI FIDDHÓLI IN GÀRRIGU

### COSA È

L'assegnu unicu e universali è un agghjùtu economicu in dinà pa' li famìli assignàtu pa' dugna fiddhólu minorenni a gàrrigu finza a candu compri li 18 anni d'età (e ancóra dapói, candu vi sò cèlta cundiziòni). Lu 'alóri di l'assegnu cambìghja sigundu la cundiziòni economica di lu nucleu familiari, comu attistata da l'ISEE, e sigundu l'età di li fiddhóli. È diffinutu "unicu" palchì à lu fini di fazzilità e infultì li 'ntilvènti diretti pa' sustinì la genitorialità e la natalità, e "universali" palchì vèni garantutu ancóra in misura minima a tutti li famìli cun fiddhóli in garrigu residenti e dumizziliati inn Italia.

### CA' PÓ PRISINTÀ DUMMANDA

La dummanda di assegnu unicu universali pó esse prisintata da un genitori o da ca' eselcitìghja la responsabilità genitoriali. In casu di affidamentu esclusivu, l'assegnu spetta, in mancanza d'accordu, a lu genitori affidatariu. Illu casu di nomina di un tutori, l'assegnu è ricunnòttu illu 'ntaressu esclusivu di lu tutelatu. Li fiddhóli maggiorènni póni prisintà la dummanda in palti di li genitori e dummandà di ricìi direttamenti l'assegnu chi li 'spetta.

## A CA' 'SPETTA

L'assegno unicuspetta a li nuclei familiari:

- Pa' dugna fiddhólu minorènni in gàrrigu e, pa' li nascitògghji nói, a palti da lu di setti di lu mesi di graidènzia;
- Pa' dugna fiddhólu maggiorenni in gàrrigu, finza a cumprì li 21 anni d'età, candu vi sia una di li cundiziòni chi s'ìghini:
  1. friccuèntia una scóla di fulmaziòni scolastica, professionali, o un un'ivelsitài;
  2. sia fèndi un tirocinu o un'attivitài di trabaddhu e àgghja unu redditu intréu chi sia di mancu di 8.000 € a l'annu;
  3. sia rigghjstratu com'e disoccupatu e in cilca di trabaddhu illi silvizi pùbbrichi pa' lu trabaddhu;
  4. svolga il servizio civile universale;
- pa' dugna fiddhólu cun disabbilitài in garrigu; in chistu casu no sò previsti limiti d'età.

## COSA TOCCA AÉ

L'assegno unicus è ricunnòttu a cundiziòni chi illu mumentu di la presentaziòni di la dummanda e pa' tutta la durata di lu benefiziu lu richiedenti àgghja congiuntamenti cittadinanza, residenza e soggiolnu comu s'ìghi:

- esse zittadinu italianu o di unu Statu membru di l'Unioni europea o só familiari, tittulari di lu drittu di soggiorno o di lu drittu di soggiorno fissu, oppure esse zittadinu di unu Statu chi no appalteni a l'Unioni europea, chi pussédi lu pilmìssu disoggiornu UE pa' soggiornanti di trèttu lòngu, oppure esse tittulari di pilmìssu unicus di trabaddhu appruàtu a fà un'attivitài di trabaddhu pa' un trèttu più lòngu di sei mesi o tittulari di pilmìssu di soggiorno pa' muttìi di cilca autorizzatu a soggiornà inn Italia pa' un trèttu più lòngu di sei mesi;
- esse sugghjèttu a lu pacamentu di la 'mposta innantu a lu redditu inn Italia;
- esse residenti e dumaticiliatu inn Italia;
- esse o esse statu residenti inn Italia da alumancu dui anni, ancóra siddhu no di cuntínu, o esse tittulari di un cuntrattu di trabaddhu a tempu no ditilminatu o a tempu ditilminatu alumàncu di la durata di sei mesi.

## COSA AGGHJU DI FÀ PRIMMA DI PRISINTÀ LA DUMMANDA

Decu esse in pussessu di Isee valitu chi possu aé o andèndi a un Caf o daparèddhi azzidèndi a lu silvìziu Isee precumpilatu cun lu SPID, la calta di identità elettronica o la calta nazionali di li silvizi.

## COMU TOCCA PRISINTÀ LA DUMMANDA

La dummanda pa' l'assegnu unicu podarà esse prisintata una 'òlta a l'annu paltèndi da lu mesi di ghjinnàgghju e è riferuta a lu trèttu cumpresu tra lu mesu di malzu di l'annu di prisintazioni di la dummanda e chissu di friàgghju di l'annu infattu.

Inps pal mezu di messaggiu spificu entru 'inti dì da la pubblicazioni di lu decretu darà inghìtti spifici vel di li modalitai di prisintazioni di la dummanda.

La dummanda pó esse prisintata:

- azzidendi da lu sittu web [www.inps.it](http://www.inps.it) a lu silvìziu "Assegnu Unicu" cun SPID alumancu di livellu 2, Calta di identitai elettronica 3.0 (CIE) o Calta Nazionali di Silvizi (CNS);
- chjamèndi lu 'nnùmmaru 'èldi 803.164 (dibbàta da lu telefanu di casa) o lu 'nnùmmaru 06 164.164 (da lu telefanu chi si polta infattu, pachèndi la tariffa applicata da lu gestori telefonicu);
- pal mezu di enti di patronatu, pal mezu di li silvizi telematichi uffelti dibbàta da iddhi mattèssi.

## SI SOCU PIDDHENDI LU REDDITU DI CITTADINANZIA?

A li nuclei familiari chi piddhani lu Redditu di cittadinanza l'assegnu unicu sarà currispostu d'ufficiu da l'INPS, chènà bisognu di prisintà dummanda.

## IMPOLTU DI L'ASSEGNO UNICO

Lu 'mpoltu cambìgghja e veni calcolatu sigundu cant'è l'ISEE di lu nucleu familiari chi lu dummanda e a l'età di li fiddhóli in gàrrigu; illu spificu è previstu:

- un tantu chi cambìgghja impustatu in modu progressivu, sigundu cant'è l'ISEE familiari (l'ISEE massimu pa' aé lu trattamentu massimu è fissatu a 15mila €);
- un tantu minimu pa' tutti li famìli chena ISEE o più altu di 40mila €, fissatu a 50 € pa' fiddhólu.

Appiù, sò previsti di li maggiorazioni pa' casi spifici.

## COMU MI ENARÀ PACATU LU 'IMPOLTU E CANDU?

L'assegnu unicu nóu pa' li fiddhóli venarà accreditatu direttamenti innantu a lu contu correnti di lu beneficiariu (innantu a l'IBAN inghjittàtu illa dummanda) oppure pal mezu di un bonificu dumaticiatu.

Facini eccezioni li chi piddhani lu Redditu di Cittadinanza chi ricéini lu 'mpoltu cun li mattèssi modalitài di frunimèntu di lu RdC.

L'assegnu è riccunnòttu a palti da lu mesi infattu a chissu di presentazioni di la dummanda. Illu casu chi la dummanda sia prisintata primma di la dì 30 di làmpata di l'annu di riferimentu, l'assegnu è riccunnòttu a palti da lu mesi di malzu di l'annu mattèssi.

Pa' li nascitòghji nói l'assegnu unicu palti da lu settimu mesi di graidenza.

## TOCCA AMMINTASSI

Illu casu di nascitòghji nói candu s'è ricièndi l'assegnu, lu cambiamentu di la cumposizioni di lu nucleu familiari di esse cumunicata a l'INPS entru 120 dì da la nascita di lu fiddhólu, cun ricunniscimentu di l'assegnu a palti da lu settimu mesi di graidenza.

## COSA N'ÀNI BUCATU CUN L'INTRODUZIONI DI L'ASSEGNO UNICU

Comu arréa l'assegnu unicu, illu 2022 ni 'ènaràni bucati li sustegni pa' li nascitòghji chi s'ighini:

- lu premiu a la nascita o a l'adozioni;
- l'assegnu a li nuclei familiari cun alumancu tre fiddhóli minóri;
- l'assegni familiari a li nuclei familiari cun fiddhóli e olfani;
- l'assegnu di natalità (cd. Bonus bebè).

## NEUTRALITÀI FISCALI E CUMPATIBBITÀI

L'assegnu no cuncurre a la fulmazioni di lu redditu intréu. L'assegnu è cumpatibbili cun la fruizioni di altu agghjuti in dinà chi si póni prisintà in faóri di fiddhóli in garrigu frunìti da li regioni, pruinci autonomi di Trentu e di Bolzanu e da altu enti locali.

Appiù, è cumpatibbili cun lu Redditu di Cittadinanza sigundu li réguli e li scadenzi mintuàti a innanzi. Pa' la ditilminazioni di lu Redditu familiari l'assegnu no vèni cuntatu illi trattamenti assistenziali.